

本館新聞除禮拜外日出一紙諸君賜閱本報者無論本埠外埠均可函致本館取閱如外埠閱報照加寄費可也除日報照常刊送外復不惜工本從英國採辦釘書裁紙各機器以待與各官商刊印書籍單件並有英國各體活字及各式花邊等延有西人排印工藝甚精所有中西文字均能刊印並有石版印字大小機器均用精工刊

報 叻

號四廿第牌門口虱巴舊在設開館本

印工綴絕倫前延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有益世道人心者附登否亦須無礙於人而後始錄其有謬屬成文以及支離費解者概不登報嗣後諸翁來札尚祈自諒更須寫真爵里而後敢登但來稿登與不登均不能將原稿收回也 本館謹白

已丑十月廿六日

大英一千八百八十九年十一月十八號禮拜一 (凡刊印告白第一日每一字仙二日以下每字半仙) 光緒十五年十月十八日

代理聲明 ○啟者本館於爪亞各地方業已託吧城之香港上海銀行內葉君燦輝以為代理茲特聲明於報端 諸君有取閱本報以及一切事宜可向葉君詢問庶歸便捷以免轉折之勞諒亦爪亞諸君所樂從者也特此佈告 本館謹啟

中西月份牌出售 ○啟者本館業經印就庚寅年之月份牌發售刷印中西字樣均甚玲瓏緻工與他家所印者不同且較對無訛恐遲時憲書所定并繪畫春牛圖等各種圖畫於上所有白紙色紙設色白描各款俱備以憑選擇 諸君有欲採置者祈早 惠臨看閱甚相宜此佈 本館謹啟

慨說

夫天下古今之所最誤事者則莫甚於強不知以為知更莫甚於以己之所不知而反視人之所知蓋天下之事百變不窮有時即聖亦有所不逮神亦有所未通何況儂人故知之則為知之不知則為不知是則人且愛其機而未必有笑其愚也乃有人焉不肯自安於愚而恐人之笑其愚也是出乖弄醜無所不至而事機之壞遂由於此矣夫人之心智有限安能舉天下之事而盡知之然若能自安其機以俾才能則尚不失其讓德昔者姚元之與盧懷慎同相凡事皆決姚盧惟拱手隨同唯諾而已是以一時有伴食中書之號而九重眷矚不以為非且有欲令卿坐鎮雅俗之詞然則安其拙者何嘗不可然設使果饒才識則又不妨參議於其間即所操有不同亦可以並行不悖如姚宋之共事而天下大治時人以之比太宗時之房杜然元齡善謀如晦能斷故已為天下後世嘖嘖稱道然諒二公當日亦未必倨然滿足而存一自是之心是必博採兼收虛衷接物故能成此材畧也夫以房杜之聰明尚應不慮慮衷延納況未必有其才具者乎乃後世人心日流於薄則竟有大為謬妄者如以己之碌碌無長於是如人之成功無論重大之事不與其議亦列其名而後始慊於心若夫議既無與之聞名亦不為之列則必為之怨妒而思有以傾之傾傾之於未成之前則廢益由於集思亦何所害惟於事當垂成之際始妄論其是非務使其事之不成而後止利口之覆邪家者殆其斯之謂歟然此則亦由他人之害其成耳更有由自己而壞其成者則初與知者謀之繼又與不知者謀之其信知者之深反不若信不知者之深且切也聽其指陳黑白妄別雌黃於事不惟無裨且反從而有害乃反信其語以至良謀將成忽而中止噫此其事向安得而不敗哉夫古之君子將有為也若為其事則擇其平日之熟悉某事者而詢焉更求其辨有成效者而詢焉俾得各伸其說而從中節取所長於以見諸施行是以鮮有見其敗事者而今之君子則不然矣欲辦某事而已不能親歷也則必須任人然初不問有貪圖榮利者紛於其間假作聰明者踴於其繼一言可聽即為之深信弗疑並不以人為衡以事為衡且直以言為衡聞有認為精通者即便深信而弗疑並不問其平日曾操其業曾知其事否也是又或聞有指為謬妄者則又忽然而變計亦不問其平日之曾操其業曾知其事否也嗟乎誠如是則其失莫也可勝道哉即如近日所傳鐵路有中止之耗不禁令人駭歎矣查此議舉辦有期乃近又聞其中止雖尚未悉廟廊操算者成見如何然據阻止其事者已大有可操之勢蓋立論者則引火災以為言謂去歲津浦路成即有太和門之火現在漢口路議復有天壇之災其言似甚可憑直令聞者為之心懾神駭致此路有停止止之勢其所謂鉅款難措之說不過以災異立言恐未能舉眾故特假借此種名目耳嗟乎鐵路之作誰不為中朝賀且皆引領相望而冀有成乃一思竟有變機然若使其路果停將不免為中朝痛惜也謀之者則幾經審度而敗之者則無過一言嗟嗟天下事之不平迨有過於此耶此海外鄙夫所以北望輿懷為之屢然長歎者也

諭旨恭錄 ○九月二十五日奉 旨蔭生慶善義俊俱着以文職用翰林院侍讀員缺照例將準良轉補所遺侍講員缺着恩順補授兵科給事中員缺着殷如璋補授截取國子監助教朱樹瀛着照例用

汝膠輪船事電音 ○本坡萬興號所批之汝膠輪船係於本月朔日由叻啟程前往香港汕頭廈門諸處計在叻啟程之際載有搭客三百餘名內有叻客二百餘名並嶼客百餘名乃昨該船駐叻之代理人勞珍麥士密洋行接到香港代理人發來電報云該船自叻啟程後至今已閱二十餘日向未經抵港云云似此情形甚為可慮故現在港叻往來船隻均沿途留心細察以究其踪跡如何矣按本月初六七等日七洲洋面颶風甚狂往來該處諸船多有避之而計該船行期必致遇此颶風其或駛向他方以圖暫避抑或另有別情均未可知然此數百搭客之親朋則均已懸懸望眼矣

獵殺無益 ○歐洲遞來郵信云沙威國里士城有英國領事麥當奴於日前偕其夫人及僚屬待役親隨數人由里士直入那呼些路弋取禽鳥以相娛樂其地離衙門僅兩點鐘路程不意鎗僅一响被村民上前圍困拿去不以禮貌相待幸有一人脫回入城報知府尹府尹急發差十五名飛馬走去急為解脫領事與夫人雙雙網網已閱六點鐘之久隨拘村民十一人帶回地方官聞知俱詣領事署問該處酋長亦發手書安慰并云重處村民沙威大臣亦行文往英欽差道謝罰犯領事因此亦不深究即作罷論云聞此事實因鎗鎗之始即傷一村婦故村人忿恨有此事也

驟獲巨金 ○澳大利亞洲有人名克樂味者近於該處金礦中探得純金一塊碩大無朋計重華權一十八斤五兩有奇核計其價可值法金三萬四千扶令斯亦駭人聽聞矣

幾滅全家 ○歐洲遞來信息云有浮家泛宅人名于利者有子六人并其夫妻共八口住近馬利河洞三篙水闊一葉舟輕道遠自得一曰河岸切卸其子六人全行墜死利于夫妻受傷極重夫則慕氣尚存妻至不省人事云噫若于利者本與人無患與世無爭乃禍從天來幾至滅門殊可慨矣

嶺海悲茄 ○行年五十方知四十九年之非在世百年那有三萬六千日之樂年華逝水老去難留歲月如梭光陰有限堪嘆朱顏暗齒徒恃芳春豈知白髮催人瞬傷遲暮對茫茫之孽海尤障情魔纏擾之塵寰益增煩惱迨至胭脂衰謝花月凋零車馬稀疎門庭冷落始悔落花無主怨碧翁之不栽培何如節節早教擇良人而相從事奈情關未悟覺身難登世境嘗真回頭路查到底漂零敗絮空嗟薄命於紅顏繫比瓶瓜孰證前因於故劍沉淪去挽良足悲也流里亡返不亦愚乎珠江有蛋女名玉妹者味女中之翹楚也生有姿色嫵媚宜人迨及妙年椿萱背沒隻身無倚鴈序孤伶獨駕扁舟渡客於河黎洲之側蘭樓棹所入無多遂暗裏棲鸞藉津貼游峰浪蝶羣耳其名滅燭留髻殆無虛夕聲華日讓豐豪愈豐飾髮皆珍纈頭繡錦當下有某茶客篤愛之思與之歸隱鹿門奈玉以容雖具六郎之貌而無季子之金慮從之不能甘藜藿猶豫不決會有植鏡樹子於檳榔嶼者見玉之貌察玉之情知甘孽障猶深春心正熾謬言此地客解憐香人多惜玉不一二年後何愁不獲佳婿以金屋貯嬌玉果惑之從之南下抵埠未幾馳名大張第以異地羈縻自費餐鉅好鴉既峻為剝削而玉又花香戀蝶心味情魔纏厚獲纏頭終為宜淫消去故光陰遞轉故我徒存且連粵積私費亦耗喪淨盡而猶以為海棠花好何愁無雅士栽培於是擇一大腹賈從之異鄉眷屬憎外有情故雖露水姻緣竟爾兩心密契如是越思愛彌加無何賈以倦鳥思還玉與驅車前返詎鄉間甫抵便見鄧子家姑聞閨難容更見分於大婦富堂驅逐片刻難留賈既畏椿萱又妨交謫無能袒護玉遂隻身逃出淪落無依依恨南來訪其故舊胥已亡去憂念交逼以致赴水捐生舟人拯之詢其顛末玉泣訴良久聞者愴然有某蛋婦見玉雖半老徐娘尚饒風韻因勸令琵琶復抱已愿以居停待之玉富路絕途窮厥心勉為俯就而私念中猶冀囊之愛我者或乘間而來訪特囑渡夫傳其事于賈家尙未悉舊日鍾情者能果忘情否也嗚呼綺年玉貌祇知春色嬌人月缺花殘那計秋來寂寞此倚門賣俏者之大抵同情也流鶯蕩燕不亦愚而可哀也哉

廈事紀聞 ○廈門祈雨禁屠各情形均經列報但該處有司雖禁屠宰然官紳相率犯者已非一次非一人矣嗟乎官紳尚且如是又何怪民家毀葬之用特禮乎廈門蔡禾山吳村社農夫吳祥之父死於去月十四日出殯當時戚友之致祭者不乏其人時適有廈防廳之差役數人前往江頭街巡查屠戶適由該處路過見祭亭之內有猪頭一具即前問曰現在官長禁止屠宰而此物何來吳固模稜見差如此不敢有言諸差見其可欺乃故作威勢謂須將其執交廳察嗣解傍人為之調處吳不得已乃賄差銀八元始能免於執獲噫差胥積弊亦可見一斑矣

○廈門浮嶼陳顯川帶起造落連日清唱戲劇各情形均列前報聞有同安縣人莊某者遊手之無賴也聞顯川堂演劇因亦隊往觀既至見堂中絲鼎鼎書森然羅羅羅羅遠明遠志但以防守者眾未敢下手既而盜心難耐乃潛竊取水燈三枝詎適為緝紳之人所見乃立將其執獲眾拳交集嗣經諸董事喝止言勿得肆毆將其送官懲辦可也時正將犯解送出門適有族紳陳觀察汝森至見諸人嘈雜詢悉情形因謂諸董事云吾等正修好事安可構訟於公庭况此竊取些微零物若將其執解公庭則人且謂顯川堂之人為無量也諸董事聽畢咸唯唯皆從其教因命將莊開釋一時人咸頌觀察之度量為不可及云○每科鄉會試廈門探印板業者必偽造題名錄以竟蠅頭本年己丑恩科於九月十二日揭曉而十三日清曉已有入賈一街頭誦說言由電傳來照式鈔就闕而閱之則解元本邑二新貴名姓的真餘餘則與張分府萬名傘上所繙人名殊可笑也

○廈門祈雨禁屠各情形均經列報但該處有司雖禁屠宰然官紳相率犯者已非一次非一人矣嗟乎官紳尚且如是又何怪民家毀葬之用特禮乎廈門蔡禾山吳村社農夫吳祥之父死於去月十四日出殯當時戚友之致祭者不乏其人時適有廈防廳之差役數人前往江頭街巡查屠戶適由該處路過見祭亭之內有猪頭一具即前問曰現在官長禁止屠宰而此物何來吳固模稜見差如此不敢有言諸差見其可欺乃故作威勢謂須將其執交廳察嗣解傍人為之調處吳不得已乃賄差銀八元始能免於執獲噫差胥積弊亦可見一斑矣

泉案三紀 ○本屆臬轅所訊各案本報已兩為登錄廿二日係其第三日堂訊之期計是日所訊之案其一即為潮人蔡楷在獄內以刀刺傷副獄官下憲頓一案查此案於廿一日下午業經提訊乃猶未訊畢故至是日續訊嗣臬憲詢問各供畢知該犯有蓄意行兇欲圖殺害諸陪審諸員均言有罪因判將犯監禁終身以示重懲其二復訊被告黃謙因為加馬南兒所控謂其盜取羔丕十三包訊畢陪審諸員均謂被告無罪憲乃命被告開釋而案遂注銷

潮城雜誌 ○吳俗有所謂青蛙神者謂能禍福人故人祀之甚虔聊齋誌異已詳言之而西粵亦有所謂蛤蚧神者其地所產蛤蚧甚多亦云能禍福人故人無敢捕而食者以魚虫為神異是真理所不辭然如潮人之奉祀五節將軍者則尤可異焉潮郡城南有五節將軍廟不知建自何年廟祀黃帝相傳駕下而有五節將軍者時常顯聖以遊市井間形似蝦蟆而具四足前足短後足長身長不滿二寸大如鴿卵其所別於蝦蟆者則身有數紋名為牽金線掌心有珠額上有印指爪甚長日變青黃赤白黑五色故名為五節將軍所至之處無論人家店肆齋居旅舍人皆以為祥瑞而爭奉焉或祀此夜即演影戲其自來自去似非人所及覺潮人之信神無有逾於此者聞神於十月初九偶遊金城巷辛氏試館館人折榴花以迎之棲止於此其夜即演影戲祀牲醴男婦往觀甚為繁開未幾即倏然歸廟其行踪竟不可測云○潮城東北三十里有別峰巷中大小靈素著決人休咎且求無不應而四時士女求願不絕於道惟春三秋九兩月其香火較著所有遠近紅男綠女白首黃童無不乘輿參神登臨隨喜而輾轉影絡繹於途是亦潮郡之洞天當不滅妙峰虎邱勝勝也

臺北軍械所失火情形 ○接臺灣遞來信息云臺北軍械所在府城內機器製造局旁藥彈洋鎗充切其內九月廿五日之晚燭更五下居民忽見若有大星者墜於所內隨即炎上熾紅燄燄天時則風勢飛揚火更易於延蔓霎時間摧枯拉朽勢若燎原典守者見事不諧當即鳴鑼告警時總辦張太守方在滬尾未回劉省帥會同沈吉田方伯徒步登城天顧屬閱數刻風頓息火亦不至過揚然已險矣按是日省帥新從外洋歸到口徑寸寸之大炮安設滬尾炮臺即派軍械所總辦張太守撫轅中軍周協戎率同洋人畢第蘭前往驗放申刻炮了實以開花藥彈向海觸機一發聲聞數十里之遙波浪掀天海水壁立遠近觀者幾若堵牆未移時而城中遽兆大禍噫大星豈果能發火乎夫亦聞所未聞已矣

茶市大變 ○福州西報云今年茶客虧本太多迫至收盤更覺不堪聞開數日前有茶客五人逃入鼓山寺裏焚終其餘年免為債主追討此五人於開春時田地屋宇甚多并各有數千金在手今一旦盡行虧去故無面見人也又聞有一延平茶客買得未造之茶每担成本值銀三十五兩今僅以十五兩售去是晚即吞食洋烟自盡并聞有無數茶客棄去賣剩之茶於茶棧而逃走不知踪跡茶棧因之受虧不少富有數家倒閉如此茶市真向來販茶者之所未經見也

如夢如幻 ○佛家因果果之說言有前因必有後果而謂之證果者至成果之時可以取證故曰證果也循是說也則於華林寺長老夢經被雲水僧某誤戕一事其於因果也真有因有果而不可逃者夢經長老於其少年未出家之時就讀讀書慧性敏悟羣書過目輒便不忘功名之心常執於中自謂取青紫如拾芥耳一夕夜睡忽喜甚歲成名位至高官旋因冤事被議罪當大辟遂罹慘刑就戮之時身首異處一痛驚寤乃邯鄲一夢也驚定而思迴憶夢中心猶驚悸惡之自是遂無志功名熱心頓冷因其兄早已披剃出家遂亦看破紅塵棄儒而釋自以為功名斷念謝絕簪纓佛法有緣莫傳衣鉢可以破惡夢以全無垢之身矣遂受戒於華林寺而編法焉其為僧也謙衷接物雅度宜人偶暇經魚時弄文翰慈悲為念淡薄自安與世無迂也月前有雲水某僧曾與維中老和尚因借不遂銜之已深先到粵秀山萬善寺索之不遇聞已飛錫華林遂到該寺掛單思有以報之是夜沽酒痛飲借酒氣以助行事翌晨為中秋佳節意維中雖退院老和尚亦當上殿禮佛遂持戒刀伏於階後俟其下殿而戕之不意維中老和尚上殿禮佛既畢先退已而夢經長老下殿歸於丈室某僧以刀乃維中也突出階後持刀砍之傷至數刃然後知其誤殺隨行法徒奔至救之業已傷重乃執某僧縛之而報於官家經長老旋因傷重未幾圓寂回憶少年惡夢出家避之而正以就之其於某僧究何前因而成此後果耶乃知長老之為僧輒而升於方丈如俗人之成名而為顯宦也無故被殺誤戕其身如蒙冤被讎罹於慘刑也則長老之為長老直謂之為夢可也長老之誤殺而死直謂之夢醒可也何也蓋所歷之境皆夢境也金剛經曰如夢如幻信然則因果之說其可不信乎然而更有足異者長老圓寂之後佛山經堂住持僧復與平日與長老相善素擅丹青聞長老老兒耗徑往華林寺以臨之見長老所遺小照拓入而摹寫之傳於徒眾以示瞻仰寫畢就禱床書寢忽見兩役至前云家經和尚者我們請兩師至夜臺伴伴一役指之曰此師素與和尚相善請他去可也復與聞之亦知長老已死何以請其伴伴辭不就二役促之使行或推或挽之倏而驚聞齋廚鐘聲響乃午夢一場也迴憶夢中二役之言知為不祥定不久於塵世遂向眾僧說夢說畢復曰我若圓寂當以戒牒為殉其戒牒戒衣現存凌峰寺中其為我取之可也僧眾聞而笑曰夢幻無憑君真癡人說夢眼前無恙豈遂遽爾死耶復與曰長老與我交厚特來召我當不久也相與談笑及至深夜向飲食如常食畢覺腹微痛因而就寢比曉一僧就禱榻問曰夜來安否不應揭帳視之雙目反視出言於僧眾眾入呼之已不能言撫之僵而目旋閉矣復與之於長老其方外生死之交歟

工部局告白 ○啟者本局前於一千八百八十九年所出五八仙之欠錢單與外國貨銀四十萬元現在已貸之外尚欠銀六萬五千元故特再為通知招人投票以借此項凡投票者須於西十二月三十一號即華十二月初十日以前將票投交本局以憑選擇至其票之格式以及章程一切詳細情形可向本局詢問便知一切特此 佈聞
大英一千八百八十九年十一月十二號
工部局司理人釐兒不勝宜禮謹啟

招請繙譯 ○啟者茲本局有英字律例一本乃照一千八百八十七年第九條律章所定而立茲欲招人繙譯中譯穆拉油吉靈各式文字並包刊印釘裝各事如有欲承此任者須將其費若干列明於西本月三十號即華十一月初八日禮拜六以前入票於本局以憑公同選擇至於其詳細一切情形以及該例款式可向本局詢問便知一切特此佈聞
大英一千八百八十九年十一月七號
大清光緒十五年十月十五日
工部局理事人釐兒不勝宜禮謹啟

裴理伯比得屋斯捷藥材油 ○本館自製之屋斯捷藥材油能治各病醫愈者甚多而將其尤為見効者錄登於左 一治一切寒熱等症 一治筋骨抽痛等症 一治身體癱軟四肢無力漸至廢癱等症 已上諸症皆藥到功成茲將用藥之法列左 其用法將藥油傾放掌中或貯於茶盅之內亦可以手蘸藥油將患處抹擦後以布裹之至一點鐘之久然後解去每日或三次或二次擦後將藥油吞服如嫌味惡則以糖和之每服約一茶匙日中或三次兩次不等不必拘例又不用節戒飲食蓋各物皆無所忌也又此油能將筋骨內之邪風濕氣抽出食之無毒本館現在新嘉坡後港吧詩立幸椒園製造發售又寄經葛兄弟士庫代售計每罐取回價銀一元 諸君光顧請認罐中屋斯捷字樣為據以免自誤特此佈聞
大英一千八百八十九年十月廿五號
葛兄弟謹啟

貨棧出賃 ○啟者茲本號有大貨棧一間坐落義福館之鄰第四號門牌現欲出賃與人如有欲稅此棧者可至本號面商便得此佈
大清光緒十五年九月初九日
黃坤豐號謹啟

北 慕 娘 埠 招 徠 告 示

大英北慕娘埠政使司 為曉諭招徠事照得現在有藍烟筒輪船由新嘉坡往來古達仙那港等埠每月往來二次如有附貨搭客者可至新嘉坡本公司之代理人然申洋行內詢問便知如有客籍人及奉西教之人或單身或攜眷到本埠之北慕娘者可至本公司之代理人處買取船單每紙五元至六元小童減半價因現在仙那港地利日興建造日廣人民日眾故需用工役亦日多該處天氣甚佳週年如香港八九月之氣候近來香港雖有工藝之人甚多前往該處然其須役仍復甚殷且其工資所入亦有甚豐茲將各役工價略登如左 計開 木匠每月工資十六元至十八元 運貨工每月工資十五元 鞋工每月工資十元至十五元 裁縫每月工資十元至十五元 薙髮匠每月工資十二元 洗衣匠每月工資十三元 製衣匠每月工資十二元 并將食物價銀列左 計開 魚每斤銀一角二占至一角四占 魚干每斤銀一角六占 羊肉每磅銀一角半至二角半 猪肉每斤銀三角六占 雞每隻銀四角半 鴨母每隻銀七角半 茶每包二兩裝者銀五占至一角 米每担銀三元半至三元六角 穀每担銀二元三角 至二元四角 番薯各担銀四元半至五元 麵包每磅銀八占 白糖一斤銀一角一占 牛乳油一磅銀五角半 鹽一斤銀六占 火水一箱銀三元二角至三元五角 小牛一隻銀三十元至四十元 羊一隻銀十元 猪一担銀二十二元 眾客人及奉西教之華人如欲請地種菜及種菓木者可向該處地司署取討憑字惟照以下所列規條而行 計每人可與五希葛之地三年內不收地稅以後一希葛一年不過僅繳稅二角而已其中或有客人及入教華人欲取山林之地願自行倒樹開墾而耕作者於初領地之四閱月內每一男丁可向國家借用三元有婦者可借五元有子者可借六元但借否係由國家主裁非為定例所借之項以十八閱月還但諸人有欲來本公司所轄各地方者可先向本公司代理人然申洋行內詢明一切便知詳細但在本國家之地方內不得聯設私會如有犯者即將其產業充公并將其人或拘禁禁身或驅逐出境而私會之頭人或受有職事人等本國家必當從重懲辦至於外來之人到本國家所轄各埠時即欲向本國家取討地段以為種植者可至本公司署或理地人員處求領如有欲全家或集鄉黨諸人來本國家所轄各埠以為作種之事須先請其頭人二三名先來本處看閱地土以及一切情形俟查回告明然後前來是則未來之先已預知此中情形可以易於設法矣如有此等人欲至本處查探情形者可往新嘉坡本公司代理人然申洋行內報明若果實無欺則其來往船費無須自辦而本公司代理人亦當為之預備俾不至往返徒耗資財也但如有人欲至附近仙那港埠或古達或萬汝諸埠種作胡椒者本國家當就便給與地段俾資耕作計萬沙地方由納陶以帆船前往不過一日水程而已該地甚屬肥沃如種胡椒更為合式現在業經取地開工墾種者已有甚多但有人結伴前往該處種植胡椒者必須請其首領人先至該處討定地段以及預備一切事宜庶免臨時倉皇失措但此等人欲至本國家所轄各地種作者如由本國家支取船費則務須先至仙那港到埠之後即將情形通知該處輔政使司方可特此諭知各宜踴躍幸無觀望特示
大英一千八百八十九年九月十七號
大清光緒十五年八月二十三日

示 大英一千八百八十九年九月十七號 大清光緒十五年八月二十三日

